

Powšitkowne WOZJEWJENJA

njedźelu, 20. apryla 2025 – jutry

Kemše w rozhłosu

Serbski rozhłós wusyla džakne křižerske kemše, wutoru, 22. apryla, z Róžanta. Započatk je w 19.00 hodź.

Emmauske pućowanje

Serbske dekanatne dušepastyrstwo přeprošuje wšitkich młodostnych na Emmauske pućowanje do Salowa, a to štwórtk, 24. apryla. Započatk je we 18.00 hodź.

Literarna kofejownja

Přichodna literarna kofejownja Budyskeho ekumeniskeho tachantskeho wobchoda budže srjedu, 23. apryla, w 19.00 hodź. Awtorka Sylvia Mönnich čita tón wječor ze swojeje knihi „Vertrieben und dann?“ W njej zaběra so ze žiwjenjom swojeju staršeju, kotrejž buštaj z Madžarskeje respektiwne Šleskeje wuhnatej. Zastup je darmotny, wo dary proša. Wšitcy zajimcy su wutrobnje přeprošeni.

Modlenje w Róžeńće

Na modlenje rózowca a před Najswjećišim su wěriwi sobotu, 26. apryla, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej řeči spěwane.

Duchowna hudźba ze serbskimi twórbami

K zakónčenju jutrowneho tydženja wotměje so w Budyskej tachantskej cyrkwi swjateho Pětra njedźelu, 27. apryla, w rjedže nyšporow duchowneje hudźby wosebity piščelowy wječor. Hóštny organist Stephan Kiessling hraje tón wječor twórby serbskich komponistow. Započatk je we 18.00 hodź. Wšitcy zajimcy su wutrobnje přeprošeni.

Požohnowanje motorskich

Popołdno z požohnowanjom motorskich zahaji so njedźelu, 4. meje, w 14.00 hodź. z nyšporom w Ralbičanskej cyrkwi. Přizamknje so zhromadny wulět.

Mejski nyšpor TCM

Towarstwo Cyrila a Metoda z.t. (TCM) přeprošuje na mejski nyšpor, kotryž budže njedźelu, 4. meje, w 17.00 hodź. w Róžeńčanskej swjatnicy. Wšitcy su wutrobnje witani.

Kapałnicy w Ralbicach

Drježdžanski hólči chór kapałnikow wuhotuje njedźelu, 11. meje, w 14.00 hodź. nyšpor w Ralbičanskej cyrkwi. Wšitcy su k tomu wutrobnje přeprošeni. Na kóncu budže zběrka za kapałnikow.

Pytaja kubłarku abo kublarja w Radworju

Katolska wosada Marije kralowny rózowca w Radworju pyta za swój džěcacy dom „Alojs Andricki“ ručež móžno kubłarku abo kublarja. Požadanja přijimuju hač do srjedy, 30. apryla. Link k nadrobnišim informacijam je pod www.posol.de podaty.

Musical „Mójzes – wuchowany a wuswobodzeny“

Musical wo bibliskej wosobie Mójzesu z wjace hač 70 sobuskutkowacymi móža wopytowarjo sobotu, 26. apryla, we wjacezaměrowej sportowej hali na Budyskim Trělnišću dožiwić. Započatk je we 18.30 hodź. Zastup je darmotny. Link k nadrobnšim informacijam je pod www.posol.de podaty.

Za wulět samostejacych so přizjewić

Wulět samostejacych ze serbskich wosadow budže štwórtk, 22. meje, a powjedže do Drježdźan. Wšitcy su wutrobnje přeprošeni. Zajimcy měli so jara bórže w redakciji Katolskeho Posoła, telefonowe čisło 0 35 91) 55 02 12, přizjewić, dokelž móže so jeničce 40 wosobow wobdźělić. Tónraz njech na to mysla, personalny wupokaz na wulět sobu wzać. Při přizjewjenju měli zdobom mjeno w němskej řeči, cyłkownu adresu, datum narodženja kaž tež telefonowe čisło podať.

Prózdnińska jězba za 5. do 8. lětnik

Dekanatne dušepastyrstwo za džěci a młodžinu we Worklecach přeprošuje šulerki a šulerjow nětčišich 5. do 8. lětnikow w lěčnych prózdninach na jězbu do Zehrena blisko Mišna. Wona wotměje so wot póndžele do pjatka, 21. do 25. julija. Swójški přinošk na wobdźělnika wučinja 115 eurow. Přizjewjenja přijimuju so hač do njedžele, 18. meje, online. Link na wotpowědnu stronu je pod www.posol.de wozjewjeny.

Serbska putniska jězba

Na serbsku putnisku jězbu do Weserskich horin wot póndžele do štwórtka, 14. do 17. julija, přeprošuje Radworske Šmitec-Schwarzec busowe wozydłownistwo. Duchowny nawod změje farar Gabriš Nawka. Přizjewjenja přijimuju w Radworju, telefonowe čisło (03 59 35) 28 60.

Prewentiwne kubłanje na polu wotwobaranja seksualizowaneje namocy

Wotwobarać seksualizowanu namóc je wažny wobstatk džěla z džěćimi a młodžinu we wosadach. Zaměr je, nowu kulturu wzajomneje zhromadnosće wuwijać. Za to su prewentiwne struktury a procesy trěbne. Worklečanske dekanatne dušepastyrstwo za džěci a młodžinu poskičuje k tutej temje kubłani po póndželomaj 19. meje na Ralbičanskim „Radlubinje“ a 2. junija we Worklečanskim Don Boskowym domje, stajnje wot 18.00 do 21.00 hodź. Wšitcy pomocnicy na nabožnych prózdninskih dnjach we wosadach, ale tež dalši čestnohamtscy, kotřiž maja tam zwisk z džěćimi a młodostnymi, na přikład w sakristiji abo ze šolu, su na jedne ze zarjadowanjow wutrobnje přeprošeni. Ličba městnow je wobmjezowana. Přizjewjenja přijimuju so jenož online. Link k tomu kaž tež k dalšim wažnym informacijam je pod www.posol.de wozjewjeny.

Sabina Lanzyna, referentka za pastoralku džěci

Zawod do tematiki lětušich nabožnych prózdninskih dnjow

Drježdžansko-Mišnjanske biskopstwo poskičuje tež lětsa zaso zawod do tematiki nabožnych prózdninskih dnjow. Prěnje tajke zarjadowanje budže póndželu, 28. apryla, wot 18.00 do 21.00 hodź. na Budyskej farje. Dalše su po wutorach 29. apryla w Kamjenicy, 13. meje w Lipsku a 27. meje w Drježdžanach planowane. Zdobom poskića zamołwići zawod tež online, a to štwórtk, 15. meje. Přizjewjenja přijimuju online. Link je pod www.posol.de podaty.